

光山縣志約稿

卷一

671.3443
085
11

光山縣重修縣志啓

晉蕭何入咸陽收圖籍沛公山是得具知天下阨塞戶口多少與人民疾苦邑乘者一縣之圖籍也二十二年二月余奉命篆權光邑適值赤匪之亂人民流散戶口蕭條兵役繁興財源枯竭仰屋竊嘆補救無方轉思因地制宜必考查是邑之土地物產如何人情風俗如何山川要隘如何再與閭邑人士同謀足食足兵方有把握迺訪求縣志僉謂迭經匪亂舊志已燬且舊志成於清乾隆丙午迄今一百四十餘年其間物產之盛衰人民之好尚國家之教養鄉賢名宦之經綸以昔準今舉皆大異欲圖補救非編修新志其道無由余惄焉憂之夫縣志一書蓋爲來者指迷津爲往者存掌故事體重大應預籌鉅款崇大志館延聘通儒褒貶是非方能昭垂千古光邑之幾經破壞予遺之民救死扶傷不暇奚能及此然縣志重要舉世皆知故內政部與本省上峯連年催辦之公文急如星火斯文接續任之不敢卸之不能反覆思維成周之辟雍鐘鼓固郁郁乎其文而堯之茅茨土堦未始不可以出治竊欲因陋就簡及老成之猶在求文獻之可徵借燭代明以待日出况查光邑提議修志蓋始於民國九年庚申由何琳竹李春甫發起事將就而中輟再提

議於易步青而又輟十二年由閩邑旅汴諸君開會議決公推李春甫任監督陳穎溪陳雲翱夏賓南晏海波分任編輯宋子芬任圖繪其餘分任各執事者數十人蓋合一邑在鄉在外之精英搜羅幾盡共襄斯舉未及一載因變亂星散今則訪問耆宿強半喪亡再歷數年何堪設想光邑四境雖云散亂而通才博士奔走國事任職四方者徧於全國斷不忍故鄉文化經赤匪數年蹂躪喪盡斯文識大識小皆爲我師文武之道自能不墜是以不揣固陋任他人所不願任之事以副上峯之望以繼前人之志願與邦人君子共起圖之民國二十二年夏光山縣縣長許希之

序

縣志史類也其範圍較之國史雖有廣狹之分而紀載歷代之政治典章風俗物產與夫名宦之治績鄉賢之楷則固非彰善癉惡而垂法戒於後世俾後之讀縣志者借爲前鑑得因革損益以求進化故曰史類也曾氏鞏曰古之所謂良史者其明必足以燭萬事之理其道必足以適天下之用其智必足以通難知之悉其文必足以發難顯之情然後其任可得而稱也又曰史者所以明夫治天下之道也故爲之者亦必有天下之才然後其任可得而稱也光邑提議修志十數年矣每次提議編輯人選皆推有海波十二年修志局成立海波以謀夫孔多不願與其事時余職掌公歛局海波余甥也陳穎溪來強余命海波復出果未及一年而星散無一字成績厥後光邑日亂余與海波避地嶺西六載二十二年春海波旋里適上峯催修新志前縣長許又屬海波任其事未幾許去任後此官紳皆不利於修志二十三年夏停辦二三舊友謂光邑歷經變亂百五十年軼事所存不能十一而舊志亦燬今茲修志中止光山文獻皆永遠無徵共邀海波入潢川作私人著述網羅散帙分類編輯以待來者而余亦從而贊助之越四月彙集成帙除地圖另待專

門測繪外共成五十四傳余詳加校正雖未盡完善如曾氏輩之所期許而其立論確得古昔聖明經綸天下之大旨以土地入民爲主體以政事爲經緯以人才邪正民德隆替爲歷代盛衰治亂之源而於世道人心尤反覆致意讀其志傳隨處可以見其用心也余老矣世變日新古昔之治道日晦人民陷於水深火熱空喚奈何愛國之士亦有讀是志而心動者乎民國二十四年乙亥人日胡夢虞書於潢川之旅次

序

古柏先生生乎今之世尙友千古獨立不懼遯世无悶十餘年來不獨爲時髦所詆誹卽素所與親善者亦莫不惡其執拗光邑提議修志近廿年閩邑士人不問舊派新派咸知非先生莫辦惟恨其無通融餘地故往往疾害之十三年修志局成立亦推有先生爾時耗洋萬元以謀夫孔多事用不集二十二年縣長許希之聘先生獨任其事事將成矣通計不過需費兩千餘元便可出板光邑無論如何困難些細之欸總能辦到而忘者施之以橫逆迫先生辭職縣政府呈覆上憲云另聘通儒續修一貫功虧在所不惜先生越境後寄寓潢川半載續成一私稿隨赴開封就正舊友二十四年夏新縣長到省思以六百元代價易其志稿而歸時先生窮困異常終不肯出售任他人塗改亦真可謂拗矣先生從此赴洛與光邑斷絕關係大亂未已徵文考獻再望何人當先生私稿初成余曾往潢川竊讀之記事詳明持論嚴正臚列往事興亡成敗歷歷在目所取人物以有猷有爲有守爲依歸富貴利達之徒志在鮮衣美食而無濟人利物之心者皆先生所斥爲蠹賊宜今日之疾之者衆也然疾之而誠能易聘通人將縣志修成誰云不可疾之而猶欲攘奪

其志稿以爲已有或從而變易黑白淆亂是非後之讀志者且將非議及先生而先生不願受也余用是不揣棉薄畧籌印刷費請先生節約出版俾闔邑之有心人讀之倘以爲有益於光山再請全稿公諸一邑或以爲於潮流不合則即此亦可爲大輅之推輪踵事增華後來較易古之良史並稱班馬班書自武帝以上強半出於馬史然於馬史之本來面目固兩不相礙也民國二十五年二月光山縣後學張鍊書

序

吾邑居豫省之南毗連鄂皖山川秀麗賢材輩出光潢之間多異人自古稱之宋元以降文字之優每冠各縣辛亥而後國家右武同時晉級將官者十餘員校尉不可勝紀武功亦盛極一時傑出之士奔走四方獻身於國家社會改革者無役不與思想更居時代之先今國勢不競物質落後倘吾邑人士能保持過去之精神多致力於實學使一縣令譽與日俱增凡生斯土咸與有榮而斯志之修同與不朽鄉黨君子甚有同心也抑前此務高遠者多盡力地方者少縣中秩序雖未受國家改革影響而自衛力薄遂致黠者竊據橫施摧殘甲子迄今閱十餘年兵燹荒歉更迭相乘民命不絕如縷晏謝二先生觸目興嗟乃不辭卑邇以數載之精力爲一縣掌故之考訂舉凡風土文物興廢沿革先哲遺蹟懿行以逮時賢之功在社會國家可以風世者靡不搜羅紀載俾後之來者把卷可知風物之美尋蹟即思締造之難則愛護鄉土之心油然而生地方健全之基於是以奠用心雖苦用力亦可謂不虛矣劉君炳華襄贊盛舉且以付印計畫遠問於余余因之而重有感焉吾鄉良風美俗都前賢心血鑄成今世故步自封難逃物競公例以往光榮信史盛

德屬諸先民而對茲天賦之錦繡河山一任人物彫零榛莽遍地則吾輩之不肖爲何如
矣繼前賢倣不肖發揚光大期諸來茲斯晏謝諸君之微意亦未嘗非吾儕座右之良資
也樂觀厥成題言於始民國丙子暮春張之慶書于天津

自序

余少壯時畧誦詩書不可一世妄以天下爲己任盲人瞎馬奔走於四方十五六年一事無成所遇益困歲丁巳旋里余年已四十矣二三少年前來問字與之講腐敗舊學日與古人相對然後知堯舜湯文禹皋伊呂之事功別有聖德再証以孔子之教益增慚懼反躬自問往往至於汗流沾背猶幸不曾得志而未嘗貽害蒼生也自是不敢復問天下事十三年光邑修志諸先達以余好覽經史不能辭是責邀余襄辦未一年中止表弟彭鶴卿促余私自續成並助經費三百元越一年地方愈亂不能容於鄉黨志事又廢廿二年春余自贛西旋里縣長許復邀修志余以非其時辭謝縣長固邀鶴卿又竭誠勸告無法推諉勉任館職次年停辦二三舊友謂亂離之世百五十年文獻喪夫殆盡再不及今日存十一於千百將郭公夏五亦亡矣於是聚資約余到潢川第就所聞所傳聞者編之勿令散軼越四月勉強將網羅之軼事分門別類纂成五十四卷自顧學業淺陋與潮流不合不敢貢獻於同邑之聞人小友張劍峯傷長此亂離斯文將喪請余刪繁就簡節約存之渠願捐資刷印而余甥謝蘭田不憚奔走數千里負校對之責二子保存文獻之熱心

深堪嘉尙重違其意因將全稿整理郵寄於蘭田在開封出版少存故實以待後人惟余之學問文章未有根抵不足以啓發後進是爲可愧耳民國二十五年仲春月既望古柏老人書於洛陽之客舍

舊序

光山舊有志其篇者揉舊版刻脫誤由嘉靖丙辰迄今無所考徵予曾集邑長老人士議補三十年所未備越三年未果聞邑大夫蔡汝謙氏所著有野史若干卷爰造其廬而請之大夫固以辭謂其先人大夫顯德先生於舊志有嘉靖甲午稿今將續一家言以記歲月惡敢云志因出其稿凡五卷以授予其文直而不繁豐而不復體簡而不略事核而不誣自沿革山川食貨以及終篇分門列品特著論贊自丙辰以前剗迂黜誤而各爲一紀丙辰以後鬼佚拙據掇其綱而收其目如篤行文章循良孝義諸科則統傳而彙集之其他特傳蓋舉重而略其餘則列傳之遺矩也藝文闡教化者載而詩賦詞章略之益政體者載而誥敕碑表之類則詳其家集而姑不備一字而意遠一言而義重其大端本旨無非欲司牧者育養黎元而善行垂法里閭後人慕古希聖修德學道而還太樸故體主於簡文主於約視諸浮靡者不啻徑庭已也余幸吏於斯無所裨益地方得賢者成斯志而謬序之如此萬曆己丑春三月一日知光山縣事牛應元

舊序

不佞自齠髻喜遷固子貞言及壯遊江海間歷十餘年欲有所著以成一家言而未能越在庚辰乃退而與二三子有事邑乘修先大人之業蒐舊牘新潦草成帙將附野史以藏諸名山而愧非其家也令君何以志爲且也評隲品彙微有儆戒之詞或有知予者以俟後之君子萬曆己丑秋七月一日邑人蔡光

舊序

古者國不問大小靡不採摭風謠諷詢方俗以載章故而最著者莫如晉乘魯春秋乘終史耳春秋經大聖筆削始進爲經孔子曰吾志在春秋則志也史也經也一也考自封建易而郡邑邑之大者制無越百里乃其間簿尉之相攝生齒之相屬名法之相規食貨之相有無閭閻之相敦尚甚而里征歲額之相灌輸無不取給縣官至比而稱之曰邑侯則襄爾邑亦古附庸也光邑在春秋爲弦國地據上遊於汝墳淮泗之間歷漢至今未聞以良史傳歲戊子郡丞蔡公以先正名賢掃松菊三徑歸棲味道著述自娛其於一邑見聞無不蒐討

極富評臆極真前賴撫牛公受事茲邑請而付之剞劂已爲一邑信史矣太史中山公蜚漢詞林克世其業瞻懷執簡之遺更秉如椽之筆亟欲增舊所未備以光述作曾汝上有郡治之役徵言太史而新志遂成余更暇得覩先世全稿謂是不可不壽之梓也况舊志亦出其先大夫昔司馬遷有良史才而自其先世談即掌稗官之說班固續修漢書文直事核而其先世彪已編纂當代哀然爲一代詞宗則其史以世而昌且以世而徵矣若夫拓城撤賦兩大議鑿鑿可見施行其爲弦陽紫水計有無窮之思焉而名法食貨士習徭役之縷縷具載於以登闕化理尤不備涓埃之助余又何能贊一詞萬曆四十年孟冬朔日知光山縣事施堯化

舊序

余有事斯役也蓋年餘不復擲管云憶昔先大父志終於戊子之冬時余自秣陵歸執以相授曰此以後汝其承之余奉以周旋不敢去心乙巳自史垣歸山會汝寧守黃公輯郡志徵二十五年之典故於下邑邑侯程公我旋屬草於余而邑中丞劉公惟一侍御彭公汝省侍御胡公弘康黃門陳公元勳諸孝廉博士子弟咸惟余責成余既弗取辭乃步趨先人之旨而刪潤其詞於二十五年之政事文章人物建置條分而補輯之不敢纖微有失若其中質者稍華之簡者稍增之一評一贊少出意見而輔翼之雖先大父夙有成命然僭竊之罪深且重矣志成程侯召去剞劂久虛邑縉紳欲鳩工未之能也茲邑侯施公泰維以一代詞宗政成三年慨然以文獻爲己任捐俸壽款梓因念斯志也邑先達各家草先大父創其始也徒淮川先生繼其事先子集其成余儼然若續鍾簋儻僭加修輯今百有餘年矣後世猶今之視昔余於後賢有深望焉萬曆四十年壬子孟夏望日邑人蔡毅中

舊序

光邑古弦子國爲揚州之域一帶河山環峙環流有曠據三楚兩淮之勢但衝當中原門戶兵燹後土著爲涓涓殘荒蕪子蒞茲未免動冷月茅簷寒風斷竈之感五稔以來拊循頌咏壹志軍人由是廢相與流稍聚田稍墾乃於綠飾俎豆敦說詩書之餘以舊乘於餘燼得先大夫蔡君光及其子毅中所重修者一冊事止於先朝萬曆已丑迄今又七十一年其間建置典禮秩官選舉以至人物藝文沿革興

廣亟待增葺於是詢之耆舊傳聞或訪之紳士覩記或求之古剎斷碑窮陬小落間俾缺典遺事勿溢美勿漏疎粉比於一同藏筆者則
郡賢孟君俊而七十一年後之面目且以片茅新搆瓦礫凌如之外又一番曠舉也夫國有史邑有志所以彰往蹟詔後來也散之一邑
爲志探之便成國史孔子因魯史成春秋大一主之法昭萬世之戒此物此志耳後之父母斯民者或以鳴琴治或以戴星治熙熙乎如
春臺之登懷撫乎如樂郊之趨紫水弦陽咏父母父母之稱夫豈無謂披展輿而天下在目考分野而一邑在目今之視昔後之視今
心同也理同也倘嘉意儒囑偏勞撫字俾光邑其永有賴庶勿具文茲志也哉時順治己亥夏月知光山縣事管聲駿
舊序

古今載籍一志林也伯益生五歲佐禹九牧贊之志山海伯禹貢金九牧作九鼎志貢賦書曰敷奏以言明試以功志也者
其敷奏明試之大端乎故曰政在養民在知人自郡國暨一邑凡所以養民育才諸大政各陳諸志而六府三事惟修惟和皆得綜而核
之矣光山於春秋時爲弦子之國秦以後始爲縣其因時立政代著循良披閱古志典型昭然矣然自萬曆己丑後七十餘年曠未增輯
不足何徵今弦令管君當兵燹子遺後以休息仁覆爲政生聚敷調有方萊蕪澤營圮廢漸舉乃有事於修志詢諸名獻鉅儒國老老
諸諸多士以暨山叟田峻靡善不彰靡幽不顯亦既有成竹矣余未入官時曾稽古弦中引沐河潤鵲堯見詢敢不敬獻一得贊茲盛典
而邑之司文司幕暨簪纓而家食者青衿而庠肆者耆德而山隱者咸聞問峨峨各探所聞共司邦直願余聞之凡政事不本於經術者
必爲刑名爲小康則紀載不達於經術者必爲方言爲說鈴此於養民知人之義何居又何以興起賢持貞表之鑑而轉泰否之樞也
故察時變而政之大權舉參典謨而政之大經正諷美刺袞鉞教中教和而政之大綱備今令君繼變有克寬猛兼濟以大雲雷之經綸
復出其立政知人之識以志一邑故實之紀旋蓋則核運變而拘墟執古者有辨衡人物則本德誼而勛名無本者有辨紀忠孝則參時
宜而如瀆經割股者有辨酌賦役則恪國憲而非安上全下者有辨紀藝文則旌懿績而如織奇綺靡者有辨諸如此類皆足以折衷先
聖振興後學則所謂昭貞表於秦鏡定否泰於吳鉤者實有其本寧止核循良於一邑備紀載於一方也哉令君管君聲駿司文任君君

堯高君琨司幕高君鵬順治十有六年己亥正月光州孟俊

舊序

王者之治天下大都政教二端而所謂政與教者非取天下而束縛之馳驟之也要以因天地之寒燠燥濕與夫民秉之剛柔輕重遲速齊其政修其教焉而已邑之有志所以別疆域詳分野以逮居民食貨之數用以核貢賦俾典禮又復有上賢崇德簡不肯而細惡諸典俾政與教無不齊不修之憾此志之所以甚重也光山有志其來舊矣上考分野下詳輿地而城濠廬舍阡陌關津纖悉不遺採風問俗凡一切節義人倫足以爲砥世磨鈍之資者無不班班具在其亦云綱舉而目張矣但歲遠年深輿廢遞更接舊籍求之而近數十年之掌故不無闕略往歲大中丞閣公檄修光志前令未之逮而去不佞承乏茲土踵而爲之深懼簿書輒掌考訂不遑有辜盛典公餘之暇適廣詢閩邑紳士者老碩人凡前志所未載輿載而弗核者悉芟蕪而增葺之自輿圖分野田戶食貨下逮人物藝文等目雖曰仍前而汰繁去緲續遺補忘不無去取要以毋遺略毋收濫焉而止庶幾因天地民秉齊政修教之道意竊願與後之君子綜名覈實共懋乃績云康熙三十五年丙子孟秋朔日知光山縣事粵東楊之徐

舊序

予令光山逾三載始及取舊志而新之又三載而新志始成嗚呼若是其難哉溯自壬寅赴選得是邑謁邑大司寇胡公公曰邑之政修志爲亟出手簽舊志本示予受之比粒邑士曰修志之議二十年不果其烏可緩乃予且遲之久而後舉之者非以是爲緩圖又非以其難而有所顧慮也志者志邑之實事所以彰往而詔來也學校書院之所以育才而造士城堞官署之所以衛民而聽政祠壇秩祀之典禮忠孝名蹟之式型或頽墜而廢墜或訛紊而鬱湮將泛而紀之則事無實必就其實而著之則未可鹵莽以從事是故先爲載筆籌所以既其實者繕城垣飭公廨增涑水書院膏火表節孝祠擴火神祠查復學基釐正名宦鄉賢忠孝三祠入祀之人游復司馬古井數載中廢粗舉矣始會薦紳士謀所以新斯志者稟呈於上憲條示四境令以所宜入志者越日牒縣檢勘繕冊蒼萃郡書走書幣延予

友錢君虎川任編纂邑中宿學士分其任發定凡例立之課程以時省閱每卷成郵呈大司寇分呈諸大憲受裁成首尾三閱歲而威事成不以難而自諉是殆若有天焉非偶然也異時予里居無事取是志而尋覽之且山川土田闕集郵市皆吾所嘗躬歷其學校諸祠祀皆吾所嘗經理其忠貞孝義芳蹟遺文皆吾所嘗咨采而論定其選造俊秀皆吾所嘗與交遊而課訓雖境遷事過不啻重涉茲土固有暢然慰我夙心無負予向之爲其難者矣乾隆丙午冬知光山縣事楊殿梓

凡例 (十六則)

一 宋史藝文志有徐自明浮光圖志三卷李棣浮光圖志二十卷光山有志實昉於此明萬歷間邑人蔡光爲縣志五卷歷後其子毅中因父稿而補之自明萬歷戊子邑令牛應元始修縣志至滿清康熙丙子歷任邑令補修皆因蔡氏之稿而稍加補輯者顧宋之浮光圖與明之蔡氏志失傳已久光邑舊志蓋乾隆五十年邑令楊殿梓所重修者也搜羅宏富文字古雅在當日可稱傑作然孔子刪詩先國風而後雅頌唐虞稱盛必六府三事允治而後有明良喜起之歌修縣志應以土地人民政事爲三要素而其他鋪張揚厲皆枝葉也舊志如三代彝鼎可供富貴人几案之玩具窮簷下戶識者蓋寡故光邑有志即學宮士子亦十九不知縣志爲何物以其不切於實用也今畧事變更俾將來後生讀之以當本邑之地理歷史

一 土地人民政事謂之三寶有土地而後能養此人民有人民而後能有此土地支配此土地人民以生以養以立厥惟政事歷代土地之興廢人民之盛衰皆政事爲之也縣志者志此土地人民政事之書而他無餘事